

زينب حزينه والدمع عالوجنه يسبح لنروح للجامع يبويه ضلت تصيح

لمن مشى عنها الوصي للمسجد وراح
زينب بقت متحيرة وتصفق على الراح
تدعي العظيم وبالقلب الام واجراح
صابتها نبلات اليتم جزحتها تجريح

حالتها تصعب بالوصف لو وصفوها
مهمومة صدت تدعي يرجع أبوها
لنها اشعرت يمها القمر حاضر أخوها
صاحت هلا باللي اهمومي دوماً يزح

كرب اليه يا الأخو يلعطرك الياس
اتظمن أني بمحضرك يلكلك إحساس
من طلعة الوالد اني انحب يعباس
طور الحزن چن استمع لو هبت الريح

قلبي انخطف ملهوف بفراقه ايتسعر
اقصد يخويه وجيب ليه أخبار حيدر
راس المجد والمعرفة خاف ايتطبر
ردتك يعباس ابخبر لروحتي اتريح

بالخدمة قلها و اعتنى و ضلت تراقب
سمعت هلاهل تعالي من الحبايب
شافت أبوها امطبر اتسنده المناكب
عباس جاهها منفجع وادموعه اتطيح

زينب يقلها بو الفضل مطبور أبونا
محرابه ينحب والدماسالت هتونه
أعداءه غدرت بالغدر خيتي افجعونا
ظلمت الدينية أصبحت وابل مصايح